



ՀԱՆԳԻՍՏ
ՍՏԵՓԱՆ ՍՐԱՊՅԱՆԻ
(1906—1972)



Հունիսի 9-ին, ուրբաթ օրը, Միլանում, 66 տարեկան հասակում, վախճանվում է Մայր Աթոռի հարազատ զավակ ու բարերար, Միլանի գաղութային վարչության նախագահ և ազգային-հասարակական գործիչ Ստեփան Սրապյանը:

Հանգուցյալը ծնվել է 1906 թվականին Կեյվեյում:

1915 թվականի եղեռնի արյունոտ օրերին նա ինը տարեկան հասակում բաժանել է իր ազգի տխուր նակատագիրը և հազել որրության կրակե շապիկը:

1921 թվականին իր եղբայր՝ ապագա բանաստեղծ Արամայիսի և բազում այլ հայ որբերի հետ ապաստան է գտնում Հունաստանի Կորֆու կղզու որբանոցում, ուր և ստանում է իր նախնական կրթությունը՝ աշակերտելով արևմտահայ հանրաժանոթ մտավորականների՝ Թեոդիկին, Արշակ Ալպոյանյանին, Լևոն Թուրունջյանին, որոնք հայ որբուկների մտքի և հոգու անդաստաններում սերմանում էին պաշտամունքը հայ եկեղեցու, հայ լեզվի ու գրականության, ոգին հայոց պատմության ու հավատքը վառ գալիքի և ազգային վերածննդյան:

«Կիսկեն գիրքը անոնք, կատաղորեն, հացի պես.

Մարդոց ոճիրը զանոնք գերթ մեյ-մեկ սուր է դարձնած.

Ա՛հ, գորացո՛ւր, կարծրացո՛ւր, մեծցո՛ւր զանոնք, կա՛րծր Աստված»:

(Վ. Թեքեյան):


Այնուհետև հանգուցյալը աշակերտում է Վենետիկում՝ Մխիթարյանների Մուրադ-Ռաֆայելյան վարժարանում և, այն հաջողությամբ ավարտելուց հետո, հետագայում իր ողջ գիտակցական կյանքը նվիրում իտալահայ համայնքի եկեղեցական-մշակութային և ազգային կյանքի կազմակերպությանը և առաջընթացին, որպես իտալահայ գաղութային վարչության և Հայկական բարեգործական ընդհանուր միության Իտալիայի տեղական մասնաճյուղի առեմապետի:

Տ. Տ. Վազգեն Ա Հայոց Հայրապետի գահակալության տարիներին Ստեփան Սրապ-

յանը, խանդավառված Տ. Յ. Վազգեն Ա. Ա. մեմայն Հայոց Հայրապետի եկեղեցաշեն ու հայրենամուկեր գործունեությամբ, որդիական երախտագիտությամբ, իր բարոյական ու նյութական աջակցությունն է րերում Նորին Սրբության շինարարական-կառուցողական

Հանգուցյալի մահով Մայր Աթոռ ս. Էջմիածինը կորցրեց իր հավատավոր ու հարգատ զավակներից մեկին, իսկ իտալահայ գաղութը՝ իր հայրենամուկեր ու ազնիվ ղեկավարներից մեկին:

Մայր տաճարում հունիսի 11-ին, կիրակի



Ստեփան Արապյանը 13 տարեկան, Կորֆուի որբաձուցում (առաջին շարքում ձախից երկրորդը)

ձեռնարկներին՝ արժանանալով Հայոց Հայրապետի բարձր գնահատությանն ու ս. Գրիգոր Լուսավորչի Ա կարգի շքանշանին:

1965 թվականին, Հայոց Հայրապետի գահակալության տասնամյակի հանդիսություններին, Ստեփան Արապյանը պաշտոնապես ներկայացնում է իտալահայ համայնքը, Մայր Աթոռում կատարվող հորեյանական հանդիսություններին:

Հանգուցյալ Ստեփան Արապյանը եղել է նաև ջերմ ու խանդավառ հայրենասեր հայորդի և աշխատել է իտալահայ համայնքի հայրենասիրական կապերը սերտացնել մայր հայրենիքի հետ:

օրը, Հայոց Հայրապետի նախագահությամբ, տեղի է ունենում հոգեհանգստյան մասնավոր պաշտոն՝ ի հիշատակ նորոգ հանգուցյալ Ստեփան Արապյանի:

Խոհանրակ և օրհնությունն ազնիվ և բարի Ստեփան Արապյանի անմոռաց հիշատակին:

Հանուն «Էջմիածին» ամսագրի խմբագրության, մեր զգացված խորը ցավակցությունն ենք հայտնում հանգուցյալ Ստեփան Արապյանի ազնվահոգի կնոջը՝ տիկին Ծիգա Արապյանին, նրա երկու սիրտուն զավակներին և հարսզատուներին ու բարեկամներին:

